



Na osnovu Zaključka Vlade Zeničko-dobojskog kantona o usvajanju Programa utroška budžetskih sredstava u 2020. godini (Subvencije privatnim preduzećima i poduzetnicima) (Ostale subvencije preduzećima za saniranje štete u privredi uzrokovanih pandemijom COVID-19), broj: 02-11-6347/20 od 08.05.2020. godine i broj: 02-11-17214/20 od 23.10.2020. godine, a u skladu sa Zakonom o sistemu državne pomoći („Službeni glasnik Bosne i Hercegovine“, broj: 10/12, 39/20) i članovima 12. i 13. Uredbe o uslovima i postupku za dodjelu pomoći male vrijednosti-de minimis pomoć („Službene novine Federacije Bosne i Hercegovine“, broj: 27/18), Ministarstvo za privredu, raspisuje

JAVNI POZIV

za prikupljanje zahtjeva za odobravanje i dodjelu (refundaciju) finansijskih sredstava namijenjenih subvencioniranju troškova jačanja konkurentnosti

1. Pozivaju se privredni subjekti registrovani u Zeničko-dobojskom kantonu koji su u periodu od 01.01.2020. godine do podnošenja zahtjeva po Javnom pozivu nabavili stalna sredstva za obavljanje djelatnosti koji svoju investiciju realizuju na području Zeničko-dobojskog kantona da podnesu Zahtjev za odobravanje i dodjelu (refundaciju) sredstava poticaja namijenjenih za subvencioniranje troškova jačanja konkurentnosti.
2. Pod stalnim sredstvima za obavljanje djelatnosti podrazumijevaju se:
 - Oprema i mašine za tehnološko unapređenje proizvodnje,
 - Mjerni uređaji,
 - Profesionalna vozila za obavljanje djelatnosti (kamioni, dostavna vozila, viljuškari i sl.).
3. Pravo korištenja ovog poticaja imaju privredni subjekti iz područja prerađivačke djelatnosti (C/D- nove/stare Standardne klasifikacije djelatnosti) registrovani u Zeničko-dobojskom kantonu, koji dokažu da su u periodu iz tačke 1. ovog Javnog poziva izvršili nabavku stalnog sredstva i koji ispunjavaju uslove definisane članom 2. Zakona o poticanju razvoja male privrede („Službene novine Zeničko-dobojskog kantona, broj: 7/16 i 7/20).
4. Nakon uredno podnesenog Zahtjeva, Vlada Kantona će subvencionirati (refundirati) troškove nabavke stalnog sredstva (fakturisanog iznosa u KM bez PDV-a) u 2020. godini, ali ne više od 30.000,00 KM, a kako slijedi:

Vrijednost nabavke stalnog sredstva bez PDV-a	Iznos subvencije/ u KM/
do 10.000,00	5.000,00
Od 10.000,00 do 20.000,00	10.000,00
Od 20.000,00 do 50.000,00	15.000,00
Od 50.000,00 do 100.000,00	20.000,00
100.000,00 i više	30.000,00

Napomena: Raspon “Od 10.000,00 do 20.000,00” obuhvata vrijednost od 10.000,00 do 19.999,99 KM i navedeno se primjenjuje i na ostale raspone vrijednosti navedene u tabeli.

5. Zahtjev iz tačke 4. Javnog poziva mora sadržavati sljedeće podatke: naziv i sjedište podnosioca zahtjeva, ime i prezime odgovornog lica, mjesto i datum podnošenja zahtjeva, naznaku Javnog poziva za koji se aplicira, podatke o stalnom sredstvu koje je predmet subvencije, vrijednost nabavke stalnog sredstva bez PDV-a, naznaku da za isti osnov i namjenu nije ostvario subvenciju, donaciju ili drugu finansijsku pomoć iz drugih izvora, pobrojano i brojevima označenu dokumentaciju koja se dostavlja u prilogu zahtjeva i potpis i pečat podnosioca zahtjeva.
6. Zahtjevi korisnika sredstava poticaja Ministarstva za privredu koji nisu opravdali ranije dodjeljena sredstva ili nisu uredno opravdali dodjeljena sredstva, neće se uzeti u razmatranje, kao ni nabavka i kupoprodaja stalnih sredstava između dva privredna subjekta čiji su vlasnici isti.
7. Jedan privredni subjekt može koristiti više vrsta poticaja Ministarstva za privredu Zeničko-dobojskog kantona po osnovu Javnih poziva objavljenih dana 26.10.2020. godine na web stranici Kantona, ali pod uslovom da ukupno odobreni iznos ne prelazi 30.000,00 KM.
Pravo na subvenciju po Javnom pozivu ne može ostvariti privredni subjekt koji je po istom osnovu i za istu namjenu ostvario subvenciju, donaciju ili drugu finansijsku pomoć iz drugih izvora.
8. Uz Zahtjev iz tačke 5. Javnog poziva za odobravanje sredstva poticaja, privredni subjekt je dužan dostaviti sljedeće priloge (original ili ovjerenu kopiju):
 - Dokaz o nabavci odnosno kupovini stalnog sredstva (kopija faktura i kopija uplatnice i izvoda od banke na kojem je vidljiva uplata fakture);
 - Bilans stanja i uspjeha za 2019. godinu ovjeren od nadležnog organa;
 - Sudsko rješenje o registraciji (prva registracija i aktuelni izvod);
 - Uvjerenje o poreznoj registraciji;
 - Odobrenje za obavljanje proizvodne djelatnosti ili odgovarajući akt nadležnog inspekcijiskog organa,
 - Obavještenje o razvrstavanju privrednog subjekta prema djelatnosti izdatog od Federalnog zavoda za statistiku;
 - Uvjerenje od Porezne uprave FBiH o izmirenju direktnih poreza i doprinosa (PIO/MIO i zdravstveno osiguranje) sa brojem ili popisom osiguranih osoba-matična evidencija - ne starije od 60 dana u odnosu na dan podnošenja zahtjeva;
 - Uvjerenje o uredno izmirenim obavezama po osnovu PDV-a (ukoliko je podnosilac po Zakonu o porezu na dodatu vrijednost u sistemu, ukoliko nije dostaviti Izjavu da privredni subjekt nije u sistemu PDV-a, ovjerenu od strane nadležnog upravnog organa) - ne starije od 60 dana u odnosu na dan podnošenja zahtjeva;
 - Uvjerenje komercijalne banke da je žiro račun podnosioca zahtjeva aktivan, ne starije od 60 dana u odnosu na dan podnošenja zahtjeva;
 - Potpisanu i ovjerenu Izjava o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u BiH ("Službeni glasnik BiH", broj: 10/12, 39/20) i Uredbe o uslovima i postupku za dodjelu pomoći male vrijednosti-de minimis pomoć („Službene novine Federacije Bosne i Hercegovine“, broj: 27/18) (Obrazac Izjave može se preuzeti sa web stranice Vlade ZDK – www.zdk.ba).

9. Komisija Ministarstva za privredu poštujući hronologiju prijema u protokolu Kantona pregledat će pristigle Zahtjeve.
10. Na osnovu prijedloga Komisije, Ministarstvo za privredu će predložiti Vladi Kantona donošenje Odluke za odobravanje i dodjelu (refundaciju) finansijskih sredstava namijenjenih subvencioniranju troškova jačanja konkurentnosti poštujući hronologiju prijema Zahtjeva, a sve do utroška raspoloživih sredstava.
11. Odluka Vlade bit će objavljena na web stranici Kantona.
12. Na osnovu donesene Odluke za odobravanje i dodjelu (refundaciju) finansijskih sredstava namijenjenih subvencioniranju troškova jačanja konkurentnosti, Ministarstvo za privredu podnosi naloge za isplatu sredstava Ministarstvu finansija ZDK.
13. Zahtjev iz tačke 5. Javnog poziva sa priložima u zatvorenoj kovrti, privredni subjekti dostavljaju na adresu:

**ZENIČKO-DOBOJSKI KANTON
MINISTARSTVO ZA PRIVREDU**

Kučukovići br. 2

72 000 Zenica

Sa naznakom:

“Prijava na Javni poziv za prikupljanje zahtjeva za odobravanje i dodjelu (refundaciju) finansijskih sredstava namijenjenih subvencioniranju troškova jačanja konkurentnosti”

14. Javni poziv ostaje otvoren 20 dana od dana objavljivanja na web stranici Kantona.